



Sooddo Qeeraa

Leveled



Wolayttatto Doona



Ha gujo nabbabo maxaafay Yuu Essi Eyidiyappe (USAID) beettida miishshaa maaduwaa Seev Ze Childdirenee (Save the Children), Luxettaa Moconaynne Tohossa Dalgga Manttiya Luxettaa Beeroy issippe hashetin giigidi attamettidaagaa.

2009 M.L.



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>




Sooddo Qeeraa

Kifilee 3

Saamintta 13

Leveled




Luxissiyageetussi Kaaletuwa

Naati nabbabuwa doommanaappe kase misiliyanne huuphe yohuwa bessidi nabbaboy odiyoba malana mala oychchite. Nabbabi simmidi wurssettan de'iya oyshata zaarana mala oottite.

Nabbabuwappe kasetiya Mali be'o
Oyshaa

Huuphe yohuwanne koohuwa bollan
de'iya misiliya xeelliyo wode ha
nabbaboy ay odanaba milatii?




Sooddon qeeraa giyay hachchi keehi
wogi baynnaagaa kumiis. Asay dumma
dumma allaanatuppenne moottatuppe
yiyo gishshawu asaa qooday keehi
cora. Shammiyobaanne bayzziyobaa
caaniyanne caanaappe wottiya
kaameekka keehi daro.

Taani luxettan gooba gidiyo gishshawu ta aayyiya maxaafaa shammanawu giyaa tana ekkada bawusu. Ta gedee guuttaa wobbi ekkiyogee ta goobatettaa diggibeenna. Maxaafay bayzettiyo sohuwa gakkanawu giidi kaamiya ogiya gaxaa oyqqidi beettees. Ogiyan asaynne kaamee keehi wogi bannaagaa keena kumiis.

Gisttiya, badalaa, mittaa caana kaamee, takisee, baajaajee pude duge woxxes. Asay takisetu giddon koyrottidi gelanawu sugetteesinne woxerettees. Issi takisee kumin denddiyo wode haray qassi sohuwara yiidi asaa kunttidi bees.

Asay poo'uwani zal"idi simmanawu
oyddu ginaara yaanne haanne zattees.
Citan gidin naa"aa gididi haasayaa
kelkkiiddi ogiya gidduwara biya asaa
qooday keehi daro. Issi issi asay
qassi kiisiyan kushiya yeddidi loddan
asfalttiya giddoora hemettees.

Kaamee yi gakkidi asay ogiya
yeddennan ixxin xurumbbaa punnees.
Laagiyageeti maskkootiyara qooriya
kessidi asay baazzaappe kichchana
mala odoosona. Hegee qassi tana
wotta yeggada qoppiyode keehi
maalaalis. Asay bari oge gidenna
kaamiya ogiyara waani hemettii?




Ubbaappekka tana maalaalidaagee
naa"u asati ogiya giddon eqqidi
sarotettiyogaa. Issoy issuwa
qoommidi yetetettidi laamota sarotaa
sarotettoosona. Hegaa mala sarotaa
nu soo immatti yiyo wode injjetiya
sohuwan sarotettana bessenneeeyye?

Ha ogiyan waanidi asay qoomettidi sarotettii! Asati sarotettiiddi de'ishin aysuuzee paalliiddi yiigiis. Taani dom"ettidosona gaada duge hokkada ta ayfiya qilimmaas. Ta aayyiya ta aybissi hokkidaakko dagammada, "Waanadii Ta na'awu? Daafurssiis gidennee?" gaada ta som"uwa oyqqada pude xoqqu oottaasu.

Yaatin, "Attidonaa dom"ttidonaa?" gaada qilimmada oychchcaas. Aayyiya ta aybissi qilimmidaakkonne qassi ayssi hokkaakkonne erabeykku.

Ta kushiya A dafaydda “hemetta!” giishin taani guyye asata xeellaydda de'ays. “Dom” ettichchidonaa poora mati!” gaas. Yaatin aayyiya, “Deeshshi dom”ettin aggin neessi ayssee?” yaagaasu;

Yaanin taanne ta aayyiya haasayiyobay dumma gidin eesuwa ta ayfiya dooyada wontta sohuwa xeellaas. Asay wontta asati eqqi sarotettiyo sohuwakko simmidi woxxes. Ta aayeessi qassi taani dome”ettanawu naa”u gediya denttida deeshshata xeelliyoba milatiis.




“Ta aayee taani sirishin ha kaamee danuwa gattiichchiis. He kaamee eqqido sohuwan naa”u asati sarotettiyaageeti ha”i baa. Kaamee eta dom”iichchennan aggenna,” gaada odaas. Aayyiya taani haasayoba biron akeekada asay woxxiyogaa be’ada dagammaasu.

Nu matan de'iya asaykka merettidabaa be'anawu yaa wottaa doommiis. Asay danuwa be'anawu woxxiiddi hara danuwa ba bollan gattenna mala keehi yayyaas. Gaasoykka ha'ikka asay kaamiya ogiyara guppidi coo kanttees.

Nu heezzantta kifiliyan kaamiya ogiya waati go'ettana koshshiyakko keehi luxida. Kaamiya ogiyara biiddi haddirssa bagga ogiya oyqqidi biyogaa taani loyttada erays. Ogiya kanttana koyyiyo wodekka kaamiya yuussaa xeellada zebraara pinnays.

Hachchi taani Qeeraa giyan
be'iyobay tana keehi maalaalees.
Ha asati attidaakkonne be'anawu
baanawu taanne ta aayyianne ogiya
kanttanawu zebraakko biida. Zebraa
matan qassi naa"u luxanchchati dosan
balguwan haggazoosona.

Etikka asay kaamiya ogiyara
awaaranne coo kanttenna mala
diggoosona. Digo xalla gidennan
zebraara pinnana malakka asaa ginaa
bessoosona. Kaametikka zebraakko
gakkidi asaa eqqidi aattana mala
malaataa bessoosona.



Ha naati oottiyo oosoy cora naatussi leemiso gidana danddayees. Hagaadan naati daroban heeraa luxettaappe kareera haggaazana danddayettiyogaa akeekaas. Dosan heeraa asaa haggaazana danddayiyobay coraba gidiyogaa eraas.

Yaanishin issi na'ay zebraappe
hara sohuwara kanttana haniyagaa
diggidosona. “Awaaranne kanttin
inttena diggite gattiyabi baa,” giidi
qilliicciis. Issi issi asay eraa pacap
denddidaagan ogiyan eqqidi miiccees.

Yaanishin ta aayyiya, “Ta na'awu
neeni metuwan gelenna malattennee.
Eti giyobaa siyada zebraara kanttikko
ubbawukka saro gidees. Zebraara
kanttiyogee ha naatussa gidennan
ne huuphiyassa,” gaada loyttadda
qonccissaasu.

Ha na'aa hanuwa xeellishin wontta
asatubaa shaakkennan attana
haneettees. Asati attaa aggaa
eta wurssettaa erana koyyaas.
Gidikkonne ha na'aykka zebraa aggidi
hara sohuwara kanttikko metuwan
gayttanaagee tana hirggissiis.

Cora kaameti elle elle pudenne duge
aadhdhoosona. Nuuni pinnanawukka
injjetibeenna gishshawu kaameti wuri
aadhdhanaashin naageettees. Kaamee
wuridi kanttiichchin zebraara eesuwan
eesuwan hemettidi kanttida.



Na'aykka nunaara issippe zoridoogawu
yiillotiiddi garuwan kanttiis. Nuuni
yaani kantti makkiyorin kaameti baana
mala naati malaataa bessidosona.
Yaatin kaameti eesuwan eesuwan
kayaa ekkidi biyogaa doommidosona.

Nuuni wontta asati eqqidi issoy
issuwara sarotettiyo sohuwa
gakkida. Asay yaara haara kammi
uuttido gishshawu aybanne be'ana
danddayettenna. Miyyiyan eqqida issi
cima bitanee yiillotidi, “Asay odin
siyennakkaa; kaamiya ogiyan asa
sarotoppite,” giis.

Ha'i kaamiya daafaara gayttidaagan
ubba sohuwan luxettay imettees.
Eraadoonee naagettana malanne
kaamiya ogiyan eqqana bessennaagaa
odees. “Oonne siyay baa,” giidi aara
biiddi de'iylagee zaariis.

Ta aayyiya tanaara woxxaydda gakkido sohuwarakka, “Attidonaa?” gaasu.

Aysuuzee ogiyappe gaxa miyyiyakko shiiqidi zerkka equwa eqqiis. Gabbiinaa karee naa”aykka yaaranne haara dooya de'ees. Giidon qassi ooninne be'anawu baa.

Guyyeen buquraa caaniyo sohuwan cora booray caanetti uttiis. Ha caanettida boorati qassi Addisaaba ambbawu efiiddi de'iyogeeta. Yaanishin wontta asati attidoogaa siyidi keehi ufayttiiddi ta maxaafaa shammanawu biida. Yaatidi maxaafa keetta biidi ta abbiyara giigiya Wolayttattuwa maxaafaa shammidi soo biigida.

Meeziya

- A. Kaalliyə qaalatussi awudiyappe mise birshshettaa imma.
1. qilliicciis
 2. danuwa
 3. Kelkkiiddi
 4. Zattees
- B. Kaalliyə kureta gattada kumetta qaalaan medhdha.
1. sha mma na wu
 2. dan da yi yo bay
 3. a bbi ya ra

